

IGERILEKUAK ERABILTZEKO ARAUAK

61. artikulua.—Sarrera

Igerilekuan ezin izango dira sartu 12 urtetik beherako erabiltzaileak baldin eta beren kargu egiten den pertsona adinez nagusi batez lagundurik ez badaude. Lagundurik sartuta ere, adingabeek haurrentzako igerilekua erabili beharko dute beti, eta Orozkoko Udalak ez du arau hau hausteak ekar litzakeen kalteen erantzukizuna hartzen.

Aplikazio orokorreko arauez gain, kontuan izango da, ikasteko egiten diren ikastaroetan izan ezik, igerilekuko zuloan ezin izango direla sartu erabiltzaileak baldin eta sorosleak, trebetasun-falta dela eta, bainatzea galarazi egin badie. Sartzea debekatu badie, Orozkoko Udalak ez du gerta litezkeen gorabeheren ardura hartuko arau hau urratu duten pertsonen zerbait gertatuz gero.

Instalazioak erabiltzeko gehienezko edukiera honakoa da:

- Orozkoko kiroldegiko instalazioetako ur berodun igerilekuak: 66 pertsona igerileku handian eta 200 pertsona instalazioetan.
- Orozkoko kiroldegiko instalazioetako igerileku estali gabeak: 156 pertsona igerileku handian, 37 pertsona Hurren Jolas-Ontzian eta 468 pertsona instalazioetan.

OROZKOKO KIROLDEGIKO IGERILEKU ESTALI GABEAK

62. artikulua.—Deskribapena

Igeriketa jolas edo kirol modura egiteko eta igeri egiten ikasteko ontzi bat edo hainbat dauden aire zabaleko instalazioak dira.

Udako igerilekuek duten hainbesteko zabalaldi-izaera dela-eta, hondartza edo solarium gunea ere badago.

63. artikulua.—Instalazioetan sartzea

Igerilekuetarako sarrera honela egingo da:

- Udal kirol-txartela aurkeztu lehenik.
- Orozkoko Udalak kasu bakoitzerako ezarritako sarreraren

kontzeptuan tasa ordaindu.

- Ikastaroko ikasle dela egiaztatzen duen txartela aurkeztu; ikastaroa amaitzean instalaziotik atera beharko du.
- Klimatologia egoera edo edozein ustekabeko ez da inoiz sarrera-kuota itzultzeko arrazoi izango.

Larrialdietan edo behar larria dagoenean, instalazioko langileek eta S.O.S.ek erabiltzaileak instalazioetatik aterarazi ahal izango dituzte.

Debekatuta dago instalazioetan edozein motatako animaliak sartzea.

Igerilekuan gehienez izan litekeen pertsona-kopurua dagoenean, bainulari gehiago sartzea galaraziko da.

64. artikulua.—Estali gabeko igerilekuen hondartza

1. Hondartza-gunea atsedean eta solarium gune gisa erabiliko da.
2. Igerileku-hondartzara ezin izango da kaleko oinetakotan sartu.
3. Igerilekuan eta bertako zerbitzu-guneetan ezin da kaleko arropak jantzita egon.
4. Igerileku-hondartzan dauden dutxetan ezin izango dira xaboiak eta xanpuak erabili.
5. Debekatuta dago igerileku-hondartzaren ondoko berdegunean jatea eta edatea eta, halaber, erretzea edo isurtzeko arriskua duten edariak sartzea, horretarako gaitu eta seinaleztatutako guneetan izan ezik.
6. Era berean, debekatuta dago hondarrak eta zaborrak paperontzietatik edo horretarako ipinitako guneetatik kanpo botatzea.
7. Ez da onartuko erabiltzaileen erosotasunari eragiten dion ekintzarik, hala nola, ozenki hitz egitea, oihu egitea, abestea, korrikaldiak eginez uretara jauziz bainulariak gogaitzea, bultzatzea, bainugunean korrika egitea, etab.
8. Halaber, erabiltzaileen bizikidetzan onari eragiten dion edozein ekintza. Hitz makurrak erabiltzea, isekak, edozein eratako laidoak, edota gainerako erabiltzaileentzat gogaikarriak, arriskutsuak edo bortitzak diren jokoetan aritzea.
9. Ez da onartuko aulkiak, hamakak, etzaulkiak eta abar sartzea solariumean ipintzeko, arrazoi justifikatuagatik eta igerilekuen ardura duten langileen baimenarekin izan ezik.
10. Debekatuta daude gainerako erabiltzaileak gogait litzaketan kirol txapelketak eta jokoak, baita entzungailurik ez duten irrati edo musika-aparatuak erabiltzea ere.
11. Ezingo da beirazko baxera erabili.
12. Eguzki-bainuak ezingo dira biluzik edo top-less egin.

65. artikulua.—Aldagelak, dutxak, komunak eta armairuak

1. Guneek zehazten dituztenak egiteko erabiliko ditu erabiltzaileak gune horiek.
2. Armairuak erabiltzeko txanpona sartu behar da, eta armairuaren erabileraren ondoren atzera eskuratzen da txanpona.
3. Nahitaezkoa da aldageletan txankletak erabiltzea.
4. Igerilekuetara joateko korridoreak eta eskailerak erabiltzaileen joan-etorrirako gunetzat joko dira, beraz joko-gune edo egoteko leku gisa ez erabiltzeko gomendioa egiten da.
5. Erabat debekatuta dago instalazioko komunak sukaldeko tresnak (edalontziak, platerak, mahai-tresnak etab.) garbitzeko edo ureztatzeko erabiltzea.
6. Bandalismo eta jokabide txarreko ekintzek zigorra ekarriko dute, eta horrek txartela automatikoki kentzea edo instalaziotik berehala ateraraztea eragin dezake.

66. artikulua.—Ur lamina eta sartzeko gunea

1. Debekatuta dago igeri egiten jakin gabe uretan sartzea; salbuespen dira igeri egiten ikasteko ikastaroak egiten ari diren pertsonak, ikastaroa ematen duen begirale-sorosleak hori egiteko eskatzen badie.
2. Nahitaezkoa da bainua hartu aurretik dutxatzea, eta oinak garbitzeko putzuak erabiltzea bainu-gunera itzultzen den bakoitzean, batez ere zerbitzu higienikoen eremutik etorriz gero. Gomendagarria da igerilekuan bainua hartu ondoren dutxatzea.
3. Nahitaezkoa da bainu-txanoa erabiltzea, ilearen luzera zeinahi dela ere.
4. Debekatuta dago igerilekuetan 12 urtetik beherako adingabeak sartzea horiek pertsona adindunez, tutoreez eta abarrez lagundurik ez badaude, non eta adingabe horiek ez diren Kudeaketa Sozietateak antolatutako igeriketa-ikastaroak egitera joan.
5. Plisti-plasta ibiltzeko igerilekura joaten diren hiru urtetik beherako umeak pertsona adindun batez (aita, ama edo tutorea) lagundurik joango dira «beti».
6. Plisti-plasta ibiltzeko igerilekuan adinduna uretan sartu ahal izango da, betiere haurraren ondoan zutik gelditzen bada.
7. Plisti-plasta ibiltzeko igerilekura joaten diren umeek beti dagokien bainu-jantzia jantzita sartuko dira.
8. Debekatuta dago 7 urtetik beherakoak igerileku handian bainatzea pertsona adindun batez lagundurik ez badaude (aita, ama edo tutorea).
9. Debekatuta dago gaixotasun infekzio-kutsakorrek dituzten pertsonak bainatzea eta, halaber, gaixotasun kutsakorra duen edozein pertsona bainularientzat diren guneez sartzea bera, batez ere larruko eritasun susmagarriak baldin badira. Ondorio horietarako, instalazioetako osasun-langileek edo sorosleek aztertu ahal izango dituzte, halakorik baldin badago. Zuzendaritzak mediku-ziurtagiria aurkezteko eskatu ahal izango du.
10. Uretan sartutakoan, ezin dira gainerako erabiltzaileak gogait ditzaketen objektuak sartu, hala nola baloiak, koltxonetak, hegatsak, urpean ibiltzeko betaurrekoak etab. Nolanahi ere, Orozkoko Udalak egokitzen jotzen duenean igeriketa-betaurrekoak erabili ahal izango dira (animazio-kanpainak etab.).
11. Ezin da korrika egin norbere burua uretara jaurtitzeko, ezin da bultzatu, listua bota, uretan pixa egin eta, oro har, gainerako erabiltzaileen bainua gogait dezakeen edo ur laminaren kalitatearen kaltetan den guztia. Halaber, ezin dira kanpotik igerilekura objektuak bota, ezta alderantziz ere.
12. Ekaitza denean ezin izango da bainua hartu.
13. Ezingo da top-lessean edo biluzik bainatu.
14. Nahitaezkoa da S.O.S.en eta instalazioko gainerako langileen esanak betetzea.

67. artikulua.—Animazio ikastaroak eta kanpainak

1. Bainu librearen erabiltzaileek Orozkoko Udalak bere animazio kanpainak edota ikastaroak egiteko zehazten dituen eremu mugatuak errespetatu beharko dituzte uneoro, eta ezingo diete Orozkoko Udalak programatutako jarduerak egiten ari diren igerilari edo ikasleei enbarazu edo errieta egin, ezta horiek bultzatu ere.
2. Erabiltzaileak beste helburuetarako mugatuta ez dauden eremuak (ikastaroak, entrenamendua, etab.) erabiliko ditu.
3. Erabiltzaileak ez du mugatutako eremu horietan zehar pasa beharko, horietako jarduera eragozten baitu.
4. Ezin da eremu horiek mugatzen dituzten kortxo-ilaretatik zintzilik jarri edo horietara igo.
5. Ezin da ikastaroetako materiala erabili (taulak, ikasteko materiala, etab.) ikastaroan izena emanda ez baldin badago.
6. Orozkoko Udalak bere egiten du igerilekuak komenigarritzat jotzen duen edozein jarduera edo txapelketarako erabiltzeko ahalmena, erabiltzaileei aurrerapen nahikoaz horren berri emanda.

Hemengo arauetz gain, aplikagarriak izango dira Euskal Osasun Zerbitzuak eta goragoko gainerako erakundeek emandako arauak.

OROZKOKO KIROLDEGIKO UR BERODUN IGERILEKUAK

68. artikulua.—Deskribapena

Igerileku Estalitzat jotzen dira txapelketarako edota irakaskuntzarako igerilekuak dituzten instalazioak, betiere ur beroa duela.

69. artikulua.—Instalazioetan sartzea

Igerilekuetarako sarbidea honela egingo da:

- Aurretik udal kirol-txartela aurkeztu.
- Orozkoko Udalak sarrera-kontzeptu gisa kasu bakoitzean ezartzen duen tasa ordaindu.
- Ikastaroko ikasle dela egiaztatzen duen txartela aurkeztu; ikastaroa amaitzean instalazioetatik atera behar du.

Larrialdietan edo behar larria dagoenean, instalazioko langileek eta S.O.S.ek erabiltzaileak instalazioetatik aterarazi ahal izango dituzte.

Debekatuta dago instalazioetan edozein motatako animaliak sartzea.

Igerilekuan gehienez izan litekeen pertsona-kopurua dagoenean, bainulari gehiago sartzea galaraziko da.

70. artikulua.—Ur berodun igerilekuen hondartza

1. Igerileku-hondartzaren barrutira soilik bainujantzitan sartu ahal izango da (bainujantzia, txankletak eta toaila edo bainu-txabusina).

Igerileku-hondartzatzat joko da igerilekuaren zuloa inguratzen duen eremu osoa, baita igerilekuko aldageletatik datorren sarbide-korridore osoa ere.

2. Igerileku-hondartzan dauden dutxetan ezingo da xaboirik eta xanpurik erabili.

3. Debehatuta dago jatea eta edatea, baita erretzea eta isurtzeko arriskua duten edariak sartzea ere.

4. Ez da onartuko erabiltzaileen erosotasunari eragiten dion ekintzarik, hala nola, ozenki hitz egitea, oihu egitea, abestea, korrikaldiak eginez uretara jauziz bainulariak gogaitzea, bultzatzea, bainugunean korrika egitea, etab.

5. Halaber, erabiltzaileen bizikidetzan onari eragiten dion edozein ekintza. Hitz makurrak erabiltzea, isekak, edozein eratako laidoak, edota gainerako erabiltzaileentzat gogaikarriak, arriskutsuak edo bortitzak diren jokoetan aritzea.

71. artikulua.—Aldagelak, dutxak, komunak eta armairuak:

1. Erabat derrigorrezkoa da dutxen esparrutik igerileku-hondartza izeneko barrutiraino dagoen eremu osoan banakako bainu zapatilak edo txankletak erabiltzea, baita aldagela eta komunetarako erabiltzen diren lokaletan ere.

2. Erabiltzaileak eremu horiek zehazten dituzten jardueretarako erabiliko ditu horiek.

3. Armairuak erabiltzeko txanpona sartu behar da, eta armairuaren erabileraren ondoren atzera eskuratzen da txanpona.

4. Igerilekuetara joateko korridoreak eta eskailerak erabiltzaileen

joan-etorrirako gunetzat joko dira, beraz joko-gune edo egoteko leku gisa ez erabiltzeko gomendioa egiten da. 5. Bandalismo eta jokabide txarreko ekintzek zigorra ekarriko dute, eta horrek txartela automatikoki kentzea edo instalaziotik berehala ateraraztea eragin dezake.

72. artikulua.—Ur lamina eta sartzeko gunea:

1. Debehatuta dago igeri egiten jakin gabe uretan sartzea; salbuespen dira igeri egiten ikasteko ikastaroak egiten ari diren pertsonak, ikastaroa ematen duen begirale-sorosleak hori egiteko eskatzen badie.

2. Nahitaezkoa da bainua hartu aurretik dutxatzea, eta bainu-gunera itzultzen den bakoitzean, batez ere zerbitzu higienikoen eremutik etorritz gero. Gomendagarria da igerilekuan bainua hartu ondoren dutxatzea.

3. Nahitaezkoa da bainu-txanoa erabiltzea, ilearen luzera zeinahi dela ere.

4. Debehatuta dago igerilekuetan 12 urtetik beherako adingabeak sartzea horiek pertsona adindunez, tutoreez eta abarrez lagundurik ez badaude, non eta adingabe horiek ez diren zerbitzuaren esleipendun den enpresak igeri egiten ikasteko antolatutako ikastaroak egitera joan.

5. Debekatuta dago 7 urtetik beherakoak igerileku handian bainatzea pertsona adindun batez lagundurik ez badaude (aita, ama edo tutorea).

6. Debekatuta dago gaixotasun infekzio-kutsakorrek dituzten pertsonak bainatzea eta, halaber, gaixotasun kutsakorra duen edozein pertsona bainularientzat diren guneetara sartzea bera, batez ere larruko eritasun susmagarriak baldin badira. Ondorio horietarako, instalazioetako osasun-langileek edo sorosleek aztertu ahal izango dituzte, halakorik baldin badago. Zuzendaritzak mediku-ziurtagiria aurkezteko eskatu ahal izango du.

7. Uretan sartutakoan, ezin dira gainerako erabiltzaileak gogait ditzaketen objektuak sartu, hala nola baloiak, koltxonetak, hegatsak, urpean ibiltzeko betaurrekoak etab. Nolanahi ere, Orozkoko Udalak egokitzat jotzen duenean igeriketa-betaurrekoak erabili ahal izango dira (animazio-kanpainak etab.).

8. Ezin da korrika egin norbere burua uretara jaurtitzeko, ezin da bultzatu, listua bota, uretan pixa egin eta, oro har, gainerako erabiltzaileen bainua gogait dezakeen edo ur laminaren kalitatearen kaltetan den guztia. Halaber, ezin dira kanpotik igerilekura objektuak bota, ezta alderantziz ere.

9. Ezingo da top-lessean edo biluzik bainatu.

10. Nahitaezkoa da S.O.S.en eta instalazioko gainerako langileek esanak betetzea.

73. artikulua.—Animazio kanpainak eta ikastaroak:

1. Bainu librearen erabiltzaileek Orozkoko Udalak bere animazio kanpainak edota ikastaroak egiteko zehazten dituen eremu mugatuak errespetatu beharko dituzte uneoro, eta ezingo diete Orozkoko Udalak programatutako jarduerak egiten ari diren igerilari edo ikasleei enbarazu edo errieta egin, ezta horiek bultzatu ere.

2. Erabiltzaileak beste helburuetarako mugatuta ez dauden eremuak (ikastaroak, entrenamendua, etab.) erabiliko ditu.

3. Erabiltzaileak ez du mugatutako eremu horietan zehar pasa behar, horietako jarduera eragozten baitu.

4. Ezin da eremu horiek mugatzen dituzten kortxo-ilaretatik zintzilik jarri edo horietara igo.

5. Ezin da ikastaroetako materiala erabili (taulak, ikasteko materiala, etab.) ikastaroan izena emanda ez baldin badago.

6. Orozkoko Udalak bere egiten du igerilekuak komenigarritzat jotzen duen edozein jarduera edo txapelketarako erabiltzeko ahalmena, erabiltzaileei aurrerapen nahikoaz horren berri emanda.

Hemengo arauetz gain, aplikagarriak izango dira Euskal Osasun Zerbitzuak eta goragoko gainerako erakundeek emandako arauak.